

Hasi da senideen Tourra

EUSKAL PRESOK. Atzo goizean Baionatik abiatu zen euskal preso politikoen senideen itzulia. Ekainaren 9a bitartean, hamahiru presondegitan izanen dira

Hur Gorostiaga | BAIONA

Hitzeman bezala, goizeko bederatziak aitzin San Andres plazan ziren atzo, Frantziako presondegien itzulia eginen duten preso senideen bi minibusak. Urtean zehar bi asteburutik batean egin ohi duten gisan, eguzkia baino lehen etxetik atera eta lehen printzeekin batera heldu ziren Lapurdiko hiriburura. Baina beste alditan presondegirako segidako joan-etorria egiten badute ere, oraingoan hilabete eta erdiko itzuliari ekin diote. «Frantziako Tourra eginen dugu, eta irabaziko dugu» zioen irribarretsu, taldeko ile zuridun gizonezko batek.

Izan ere, bi minibusen gidariak eta Senideak zein Koordinaketako bozeramaileak izan ezik, adineko jendea da itzulia abiatu duena. Frantziako presondegiengan dauden euskal preso politikoen senideak, «presondegi bideetako beterrak» dira, La Santeko presondegian dagoen preso baten aitzak zioen gisan.

Autobusean ordu luzeak, presondegien aitzinean banderolari eusten goiz eta arratsaldeak, eta etxetik kanpo egun eta asteak pasako badituzte ere, ez zuten animorik falta. Bezperako hauteskunde emaitzak ez biziki gogokoak izanik ere, «indarra eta gogoia soberan» dutela adierazi ziguten. Helburua, bakarra eta anitza era berean: «Euskal presoek bizi duten egoera salatzea, eta familiei zigor gisa inposatzen zaigun urruntasun eta sakabanaketaren berri ematea frantziar gizarteari».

Neuvice lehen etapa

13 presondegi eta bertze hainbertze herri zeharkatuko dituen martxaren lehen etapa Neuviceko presondegian egin zuten bert. Zuzendariarekin oren eta erdiz bildu ziren. Sakabanake-



Presoen eskubideen aldeko banderola eskuan eta animoz beterik hasi dute senideek itzulia.

taren ondorioak gutxi ez direla (bi euskal preso soilik dira bertan), presondegiaren baitan zaindarien «eguneroko lana umiliazio eta zigorretan oinarritzen» dutela salatu zuten preso senideek. Presondegi erdipribatua izanik, barne zerbitzuen kostuak ere garestiago dira bertan; hala nola, kantina eta garbiketa zerbitzuak. «Bibliotekan 20 minutu besterik ez daiteke egon eguneko, lau ordenagailu daude 300 presorendako» adierazi dute senideek, berez kondenatuendako halako zentraletan kirol zerbitzueta-ko sarrera librea behar lukeela azpimarraturik. Zuzendariak senideen eskaerak arretaz entzun bazituen ere, «deus egin

NEUVIC PRESONDEGIA

Bi euskal preso daude bertan. 300 presorendako lau ordenagailu dituzte eta bibliotekan gehienez 20 minutu egon daitezke

ez» zezakeela ihardetsi zien. Ondotik Limogesserako bidea hartu zuten minibusak.

Etaparen erregina Bretainian

Hainbat hitzordu finkatu dituzte etapa bakoitzean. Baina Tourreko «etapa erregina» Bretainian izango da. Izan ere lau

egun pasako dituzte Bretainian, eta bertan Skoazell Breizheko bretoindar preso senideekin bilduko dira.

Dena ongi badoa, ekainaren lehenean, Morlaixetik abiatuko den «Independentziaren martxan» parte hartzeko aukera izanen dute. Azken erlojuak kontrako Pariseko karriketan eginen dute ekainaren 9an, manifestazioa eginen baita bertan, itzulia zehar eginen dituzten kontaktak guztien sostengua plaza-ratuko den itxaropenaz. Maillot horirik etxeratuko ez badute ere, etapaz etapa, preso eta senitartekoen mezua kilometro-zero kilometro zabaldu izanaren poza ekarriko dutela esan zuten, lehen etapari abiatu aitzin.

AUZITEGIAK

Hiru atentatutan parte hartzea leporatu dio Lopez Riañori Garzonek

Agentziak | MADRIL

Baltasar Garzon Entzutegi Nazionalako epaileak Idoia Lopez Riaño etakidea espetxeratzeko agindua eman zuen atzo, hamasei lagun hilda suertatu ziren hiru atentatuetan ustez izandako parte hartzeagatik.

Epaileak Lopez Riañori ondorengo atentatuetan parte hartzea egotzi dio: Madril Komandoak 1986. urtean Republica Dominicana plazan Guardia Zibilen furgoneta igarotzen ari zela bomba auto bat ez-tandaraztea; 1986an, Madril, Carlos Besteiro teniente koronela, Ricardo Saenz de Ynestillas koronela eta Francisco Casillas Martin soldadu gidaria hiltzea beraien auto ofizialean zihozazenean; eta Pasai San Pedron, 1985. urtean, Angel Facal Soto enpresariaren hiltzea.

Bestalde Entzutegi Nazionalako epaile Guillermo Ruiz Polanco datoren ostegunean Lopez Riañori deklarazioa hartzea aurreikusia du, Antonio Hernandez Gil Botere Judizialaren Kontseilu Nagusiko presidentearen aurkako atentatu ahaleginean ustez parte hartzeagatik.

Lopez Riañok ustez ETAko komando ezberdinetako kidea izan zen, eta Frantziako Poliziak atxilotu zuen.

Baina bertan gaiztagin elkarteak kide izateagatik ezarri zioten bost urteko espetxe zigorra bete ondoren, Frantziako Gobernuak Espainiara extraditatu zuen pasa den asteazkenean.



BIZKAIAKO CAMPUSA ERREKTOR.
KULTUR GESTIOARAKO BULEGOA

VICERRECTORADO CAMPUS DE BIZKAIA.
OFIC. DE GESTION CULTURAL

[Tetro maiatzaren 15ean mayo Antzerkia]

"QFWFQ- Una historia del universo"

hora: 19:00h.
lugar: Aula Magna
E.U. Ing. Téc. Industrial
Plaza La Casilla, 3. Bilbao
entrada gratuita

ordua: 19:00etan.
tokia: Areto Nagusia
Industri Ing. Teknikorako U.E.
La Casilla enparantza, 3. Bilbo
sarrera dohainik



Nafarroako Unibertsitate Publikoa. 2001-2002 ikasturtea.

**Aldez aurreko izen ematea, sarbide proba
2001a baino lehen gainditu duten ikasleentzat**

Nafarroako Unibertsitate Publikoak jakinarazten du aldez aurreko izen ematea **maiatzaren 21etik 25era** egingo dela, Unibertsitatean sartzeko beharrezkoak diren ikasketak 2001a baino lehen amaitu dituzten ikasleentzat. Abizenen ordena alfabetikoa honako hau izango da: **21ean, A-tik C-ra; 22an, D-tik H-ra; 23an, I-tik M-ra; 24an, N-tik R-ra; 25ean, S-tik Z-ra.** Aldez aurreko izen ematea egun horietan egingo da, **8,30etik 14,30era**, Ikastegiko **010 gelan**.

Bestalde, Unibertsitatean sartzeko ikasketak eta probak 2000-2001 ikasturtean bukatuko dituzten ikasleek **ekainaren 25etik uztailaren 13a** bitartean egingo dute aldez aurreko izen ematea; bere garaian emango dugu data horien berri.

Informazio gehiago Sarbide Bulegoan (Tel.: **948 169638 eta 169648**) eta Unibertsitatearen webgunean (www.unavarra.es)



Ataungo Udala

IRAGARKIA

2001eko maiatzaren 11n Alkatetzaren Dekretu bidez Ataungo Udalak sustatutako 45-46. Garapen Unitateari dagokion Birpartzelazio Proiektuari hasierako onarpena eman ondoren, espedienteak jendaurrean jartzen da, iragarki hau Gipuzkoako Aldizkari Ofizialean argitaratu eta hurrengo egunetik kontatzen hasita, hamabost lanegunetz. Epealdi honetan doakienek Udaltzeko bulegoetan aztertu ahal izango dute eta egoki irizitako alegazio eta oharpenak egin ahal izango dituzte.

Ataun, 2001eko maiatzaren 11n.
ALKATEA.